



Inatsisartunut ilaasortaq Naaja H. Nathanielsen, Inuit Ataqaigiit
Inatsisartut Allattoqarfiat
/Maani

**§ 37 naapertorlugu Naalakkersuisut Siulittaasuata aamma Folketingimut
ilaasortaasimasup Nick Nielsenip akornanni attaveqatigiinneq pillugu apeqqut
nr. 091.**

14-04-2015
Sags nr. 2015-113697
Dok. nr. 1928529

Asasara Naaja H. Nathanielsen

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu Naalakkersuisut Siulittaasuata aamma Folketingimut ilaasortaasimasup Nick Nielsenip akornanni attaveqatigiinneq pillugu arlalinnik Naalakkersuisunut apeqquteqarputit. Apeqqutit uannut akineqartussanngortinneqarsimapput.

Apeqqutigineqartut qanoq ittuuneri tunngavigalugit, aammalu apeqqutigineqartumut tunngavilersuutigineqartoq pillugu ileqqorissaarnissaq eqqarsaatigalugu apeqqutit ataasiakkaat akissuteqarfignerinut atatillugu imatut oqaaseqarfigissavakka:

Naalakkersuisut Siulittaasuata pillugu Nick Nielsenip naammagittaalliuutaanut akissummi Ombudsmandip martsip 16-ani 2015-imi tamanut saqqummiuppaa. Ombudsmandip akissutaani atuarneqarsinnaavoq, suliamik ingerlatsisimanera pillugu ombudsmandi uparuaanissaminut pissutissaqarsimanngitsoq. Ombudsmandip Nick Nielsenimut akissutigisaa tusaatissatut tiguara, tassami suliaq pillugu siusinnerusukkut oqaatigisakka ombudsmandip naliliinermini naqissusermagit.

Apeqquteqaatinnut tunngavilersuutitut oqaatigaat, folketingimut ilaasortaq oqaaserisimasami ilai pillugit naqqiuteqaqqullugu uanga Naalakkersuisut Siulittaasuattut pissaaneqarnera atonerlullugu piumaffigisimagiga. Oqaaserineqartumut tassunga erseqqissaatigerusuppara, tassalu pissaanermik atonerluineq uanga isinnik isigalugu tassaamat iliuuseq ilungersunartoq taamaattumillu aamma pissaanermik atonerluineraalluni oqalunnissaq mianerisassaq annertuujuvoq. Uanga isumaga malillugu sukkulluunniit pissaanermik atonerluisimanngitsunga allatulluunniit suliap taassuma suliarineqarnera pillugu isornartuusinnaasumik iliuuseqarsimanngitsunga uppernarsilluarneqareerpoq. Taamaattumik uanga pissaanermik atonerluisimasutut pasillerneqarnera apeqquteqaammi tunngavilersuutigineqartoq, akuersaarsinnaanngilluinnarpara.

Tamatuma saniatigut erseqqissaatigerusuppara, oqaatsitigut allatulluunniit iliuuseqarnikkut kinaluunniit folketingimi ilaasortatut atuuffeqartoq Tunngaviusumik Inatsimmit illersugaanera nalorninartorsiortinniarsimannginnakku aammalu Kalaallit Nunaata folketingimi ilaasortaataitaasa tunngaviusumik inatsisikkut illersugaallutik sulisinnaanerannik.

Apeqqutigineqartunut akissutikka ataani tulleriiarlugit allassimapput.

- 1) Naalackersuisut siulittaasuat Qanoruumi februarip 12-ani 2015-mi aallakaatinneqartumi Nick Nielsen-mut saaffiginnissuteqarnermi naqqiissuteqarnissamik piumasaqarnermik paasisariaqartoq oqaatigivaa, kaammattuutaannaanngitsumik paasineqassasoq. Naalackersuisut siulittaasuat naqqiissuteqaqqusinerminut toqqaannartumik oqarpoq "tassani Naalackersuisut siulittaasuanninngaanniit imatut peqquneqarami naqqiissummik (Nick Nielsen), tassa kissaateqarsimavunga". Naalackersuisut siulittaasuat taama oqarsimanini suli attatiinnarpaa?

Akissut:

Oqaatigisakka apeqqutigineqartunut tunngaviusut, taamak paatsoornartigisimassappata tamannartaa paasiuminaatsippara. Qanoruumi februarip 12-ani 2015-imi apersorneqarninni folketingimut ilaasortaasimasup Nick Nielsensip oqaaserisai pillugit nassuiaateqarnissaanik piumaffigineqarsimanagera pigiga, isumaga malillugu ersarissorujussuuvoq. Aammattaaq isumaga malillugu apersuinermi ersarippoq, folketingimut ilaasortaasimasup Nick Nielsensip nalunaarutigisamik ilumuunnginneraaneq pillugu nassuiaateqarnissaanik kissaateqarnera piumaffiginnertut isiginnginnakku.

Oqaaserisakka paatsoorneqarmata apeqqutigineqartup akissuteqarfigineranut allanik oqaaseqaatissaqanngilanga.

- 2) Naalackersuisut siulittaasuata suli attatiinnarpaa 12. Februar oqaaseqarnermini naqqiissummik suli utaqqinerarluni, taamatummi peqqusisimanerarami? Naalackersuisut siulittaasuata Qanorooq-mut oqaaseqarnermini ima oqarami: "naqqiissummillu ulloq tikillugu pissarsinikuunngilanga taannalu taamatut piumasaqaateqarneq Naalackersuisooqatigiit akornanni apuussassaq, takutitassaq, Taamannalu pinngitsoorpoq".

Akissut:

Apeqqut 1-imut paatsuinermit erseqqissaateqarlunga akissutigisanni, isumaqarpunga apeqqut taanna oqaaseqaatigisannik paatsoorneqarneranik tunngaveqartoq. Soorlu arlaleriarluni uppersarneraqareerlunilu erseqqissaatigineqareersoq, folketingimut ilaasortaasimasooq nalunaarutigisamik ilumuunnginneraaneq pillugu nassuiaateqaqqullugu piumaffiginikuunngilara.

Tamatuma saniatigut oqaatigissavara, Qanoruumi apersuinermi oqaatigineqartumi oqaaserisakka eqqortumik issuarneqanngimmata aammalu aallakaatitap kalaallisuaa danskisuuvalu imminnut naapertuuttuunatik. Oqaaserisakka paatsoorneqarmata apeqqutigineqartumut allanik oqaaseqaatissaqanngilanga.

- 3) Naalackersuisut siulittaasuata itisilersinnaavaa sunarpiaq naalackersuisooqatigiinnut ingerlateqqinneqassanersoq aamma sooq?

Akissut:

Apeqqutip aappaanut akissutigisakka nangiinnarlugit oqaatigissavara isumaqarama apeqqut taanna oqaaserisannik paatsuinermik tunngaveqartoq. Oqaaserisakka paatsoorneqarmata apeqqutigineqartumut allamik oqaaseqaatissaqanngilanga.

4) Naalackersuisut siulittaasuata aamma attatiinnarpaa Nick Nielsen kamaannerarlugu imatut oqarnermigut "Ersarissumik oqariartuutigissavara soorunami kamaappara tassani naqqiissummik piumasaqarlunga taanna najoqqutaralugu oqaluunneq ingerlattussaassavarput, tassanerpiaq, taannarpiaq".

Akissut:

Aallakaatitap kalaallisuuani apeqqutigineqartunut oqaaseqaatigissimasama issuarneqarneri eqqortumik naapertuupput. Aallakaatitalli danskisuuani apersuineq isumaga malillugu taamatut ingerlanngilaq. Aallakaatitap kalaallisuuani apersuinerimi oqaaserisakka uppersarsinnaavakka.

5) Siunissami Naalackersuisut siulittaasuata folketingimi ilaasortat kamaakkaangamigit qanoq pissuseqarfigissamaarpai? Naalackersuisut siulittaasuata folketingimi ilaasortat nammineq partiimineersut imaluuniit partiinit allaneersuuppata immikkoortittarniarpai?

Akissut:

Apeqqutip akissuteqarfiginissaanut tunngavissaqarsorinngilanga tassami uanga tunginniit politikkikkut isummissaguma qisuariassagumaluunniit pisuni tamani tamatumuuna politikkikkut pissutsit qanoq ittuuneri apeqqutaalluinnartussaapput. Pisumulli uanga tunngatillugu oqaatigerusuppara taamatut qisuariaateqarnera uanga ippinnartutut ajortutulluunniit isiginnginnakku. Soorlu matumani akissutigisanni oqaatigereeriga suliami matumani iliuuserisakka pillugit isornartorsiuinissamut tunngavissaqannginnera uppersarsilluarneqareerpoq.

Inussiarnersumik inuulluqqusillunga



Kim Kielsen